



Broj: 06/3-50-1-76-29-11/11

Sarajevo 26.09.2011. godine

ZAPISNIK

29. sjednice Odbora za žalbe građana Parlamentarne skupštine Bosne i Hercegovine, održane 23.09.2011. godine

Dvadesetdevetu sjednicu Odbora za žalbe građana Parlamentarne skupštine BiH sazvaо је Mate Miletić – predsjednik.

Sjednici Odbora, u svojstvu članova, nazočili su: Amela Bašić – prva zamjenica predsjednika, Borislav Radić – drugi zamjenik predsjednika, Ermin Pešto, Marijan Milićević, Danica Berić i Hamida Karčić - članovi, te Aida Kreho – privremena tajnica Odbora za žalbe građana Parlamentarne skupštine Bosne i Hercegovine.

Sjednici su, također, nazočili: Rasim Redžo iz Granične policije BiH, Zoran Savić i Mujo Kamenjaš iz Direkcije za koordinaciju policijskih tijela, Ramiz Škulj i Predrag Krsmanović iz Državne agencije za istrage i zaštitu, te Zoran Brkić iz Sektora za odnose s javnošću Parlamentarne skupštine BiH.

Sjednica Odbora počela je u 11 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 28. sjednice Odbora za žalbe građana Parlamentarne skupštine Bosne i Hercegovine;
2. Razmatranje predstavlki na rad pripadnika Granične policije BiH (izvjestitelji: Mate Miletić; Ermin Pešto; Amela Bašić; Hamida Karčić);
3. Razmatranje predstavlki na rad pripadnika Državne agencije za istrage i zaštitu (izvjestitelj: Borislav Radić);
4. Razmatranje predstavlki na rad pripadnika Direkcije za koordinaciju policijskih tijela (izvjestitelji: Marijan Milićević; Danica Berić);
5. Tekuća pitanja.

Predsjednik Odbora upoznaо је članove Odbora sa molbom predstavnika Državne agencije za istrage i zaštitu, u smislu da se napravi izmjena u Dnevnom redu, te da se prvo razmatra predstavka na rad pripadnika njihove agencije. Članovi Odbora saglasili su se sa prijedlogom, te je zatim *Dnevni red jednoglasno usvojen*.

Ad.1. Usvajanje zapisnika sa 28. sjednice Odbora za žalbe građana Parlamentarne skupštine Bosne i Hercegovine

Članovi Odbora *jednoglasno su prihvatili* Zapisnik sa 28. sjednice.

Ad.2. Razmatranje predstavke na rad pripadnika Državne agencije za istrage i zaštitu (izvjestilac: Borislav Radić)

Borislav Radić prezentirao je članovima Odbora predstavku broj: 05/2-50-1-76-29-7/11 koja je Odboru dostavljena od Državne agencije za istrage i zaštitu (SIPA). Predstavnici SIPA-e su, zatim, dali sva neophodna dodatna pojašnjenja članovima Odbora, te su članovi Odbora *jednoglasno prihvatili Izvješće po predstavci, kojim se ona ocjenjuje kao neosnovana.*

Ad.3. Razmatranje predstavke na rad pripadnika Granične policije BiH (izvjestioci: Mate Miletić; Ermin Pešto; Hamida Karčić i Amela Bašić)

Mate Miletić je, kao izvjestitelj, bio zadužen za predstavku broj: 05/2-50-1-76-29-1/11 od 24.08.2011. godine. Nakon što su prezentirani predstavka i izvješće, izvjestitelj je riječ dao predstavniku Granične policije BiH, koji je članovima Odbora prižio dodatne informacije, te im prezentirao sadržaj *Rješenja* Disciplinske komisije Granične policije BiH, kojim je policijski službenik *proglašen krivim za težu povredu službene dužnosti, te mu je izrečena disciplinska sankcija.*

Članovi Odbora primili su Rješenje k znanju i većinom glasova (6 glasova „za“, 1 glas „uzdržan“) prihvatili Izvješće Granične policije BiH o predstavci.

Ermin Pešto je, ukratko, podsjetio članove Odbora na predstavku broj: 05/2-50-1-76-28-4/11 od 27.07.2011. godine, koja je razmatrana i na 28. sjednici. Nakon što je predmet predstavljen, predstavnik Granične policije zamolio je da se izjašnjavanje o ovoj predstavci odloži za narednu sjednicu, obzirom da *Izvješće o predstavci još nije sačinjeno.*

U skladu s tim, članovi Odbora *jednoglasno su zaključili da se razmatranje predstavke odloži za narednu sjednicu.*

Amela Bašić je, povodom dostavljenog prigovora na odluku Odbora za žalbe građana od 30.05.2011. godine, podsjetila članove Odbora na sadržaj predstavke broj: 05/2-50-1-76-25-2/11, te ih upoznala sa *Žalbom na obavijest po žalbi*, koje je Odboru dostavljeno. Nakon rasprave koja je uslijedila, a uzimajući u obzir da niti u novom dokumentu, odnosno žalbi, Odboru nisu dostavljeni podaci koji bi bili razlog za ponovno razmatranje predstavke, članovi Odbora *jednoglasno su odlučili da je Žalba neosnovana.*

Hamida Karčić je, kao izvjestiteljica, upoznala članove Odbora sa sadržajem predstavke broj: 05/2-50-1-76-29-2/11 od 24.08.2011. godine. Nakon što je predstavnik Granične policije upoznao članove Odbora sa svim radnjama poduzetim u procesu rješavanja ove predstavke, te im pružio sva dodatna pojašnjenja, *Izvješće o predstavci prihvaćeno je jednoglasno, te je predstavka odbačena kao neosnovana.*

Ad.4. Razmatranje predstavki na rad pripadnika Direkcije za koordinaciju policijskih tijela (izvjestioci: Marijan Milićević; Danica Berić)

Marijan Milićević je, u kratkim crtama, članovima Odbora predstavio sadržaj žalbe na rad pripadnika Direkcije za koordinaciju policijskih tijela, te Informaciju broj: 05/2-50-1-76-29-8/11 koju je navedena agencija dostavila povodom žalbe. Nakon što su predstavnici Direkcije za koordinaciju policijskih tijela dali dodatna pojašnjenja u vezi sa predstavkom i obrazložili dostavljenu Informaciju, članovi Odbora jednoglasno su podržali zaključak koji je Direkcija za koordinaciju policijskih tijela donijela, odnosno da se interni postupak neće pokretati zbog nastupanja zastare.

Danica Berić prezentirala je predstavku broj: 05/2-50-1-76-29-6/11 od 12.09.2011. godine, na rad pripadnika Direkcije za koordinaciju policijskih tijela. Obzirom da postupak po ovoj predstavi još nije okončan, članovi Odbora *jednoglasno* su odlučili odgoditi izjašnjavanje o predstavi za jednu od narednih sjednica.

Ad.5. Tekuća pitanja

Mate Miletić je članovima Odbora prezentirao predstavku broj: 05/2-50-1-76-29-9/11 od 14.09.2011. godine. Obzirom da Odbor nije nadležan za razmatranje ove predstave, prosljeđena je nadležnom organu na razmatranje.

Sjednica Odbora za žalbe građana završena je u 13:00 sati.

Privremena tajnica
Odbora za žalbe građana
Aida Kreho

Predsjednik
Odbora za žalbe građana
Mate Miletić